



SAKSPAPIR

Saksnr	Utval	Type	Dato
43/2020	Formannskap/plan- og økonomiutvalet	PS	10.06.2020
42/2020	Kommunestyret	PS	23.06.2020

Sakshandsamar	Arkiv	ArkivsakID
Atle Fasteland		20/314

VAKSDAL NÆRINGSSKAP AS - STATUS OG VEGEN VIDARE

Vedlegg:

Retningslinjer tildeling av tilskot - VNS

VNS - Bakgrunn og historikk

Signert årsmelding 2016

VNS - Årsmelding og rekneskap 2017

VNS - Årsmelding og rekneskap 2018

Svar til FPØ frå VNS - skriftlege spørsmål 05.05.20

Rådmannen sitt framlegg til vedtak:

Vaksdal Næringssselskap (VNS) held fram i sin noverande form med formål om å fremja næringsutvikling i Vaksdal kommune.

Finansiering og løyvingar til selskapet skal vere ein del av det fortløpande budsjettarbeidet.

Dagleg leiar i VNS får frå 01.08.20 fast kontorplass på Heradshuset. Dagleg leiar held fram med si frie stilling i høve til den kommunale administrative leiinga. Flyttinga skal stimulere til tettare samhandling om næringsutvikling og utarbeiding av samanfallande framtidige strategiar i Vaksdal kommune og VNS.

Kommunestyret skal, utover årsmelding og årsrekneskap, informerast om arbeidet i VNS vår og haust.

Det skal leggjast fram politisk sak første halvdel av 2023 om framtidig organisering, mål og strategiar for næringsarbeidet i Vaksdal kommune fram mot 2030.

Formannskap/plan- og økonomiutvalet - Sak 43/2020

FPØ - Behandling:

Rådmannen sitt framlegg til vedtak vart samrøystes vedteke.

FPØ - Tilråding/Vedtak:

Vaksdal Næringssselskap (VNS) held fram i sin noverande form med formål om å fremja næringsutvikling i Vaksdal kommune.

Finansiering og løyvingar til selskapet skal vere ein del av det fortløpande budsjettarbeidet.

Dagleg leiar i VNS får frå 01.08.20 fast kontorplass på Heradshuset. Dagleg leiar held fram med si frie stilling i høve til den kommunale administrative leiinga. Flyttinga skal stimulere til tettare samhandling om næringsutvikling og utarbeiding av samanfallande framtidige strategiar i Vaksdal kommune og VNS.

Kommunestyret skal, utover årsmelding og årsrekneskap, informerast om arbeidet i VNS vår og haust.

Det skal leggjast fram politisk sak første halvdel av 2023 om framtidig organisering, mål og strategiar for næringsarbeidet i Vaksdal kommune fram mot 2030.

Kommunestyret - Sak 42/2020

KOM - Behandling:

Magne Hestad ba om at habiliteten hans vart vurdert. Kommunestyret vedtok samrøystes at Magne Hestad er ugild i saka i medhald av fvl § 6 første ledd punkt e) nr 2.

Karin Groth ba om at habiliteten hennar vart vurdert. Kommunestyret vedtok samrøystes av Karin Groth er ugild i saka i medhald av fvl § 6 første ledd punkt e) nr 2.

Likeeins vedtok kommunestyret samrøystes at nyvalde styremedlemmer Amalie Johnsen Lunde og Ståle Hesjedal er ugilde i saka etter samme paragraf som ovanfor.

Samrøystes vedtak.

KOM - Tilråding/Vedtak:

Vaksdal Næringssselskap (VNS) held fram i sin noverande form med formål om å fremja næringsutvikling i Vaksdal kommune.

Finansiering og løyvingar til selskapet skal vere ein del av det fortløpande budsjettarbeidet.

Dagleg leiar i VNS får frå 01.08.20 fast kontorplass på Heradshuset. Dagleg leiar held fram med si frie stilling i høve til den kommunale administrative leiinga. Flyttinga skal stimulere til tettare samhandling om næringsutvikling og utarbeiding av samanfallande framtidige strategiar i Vaksdal kommune og VNS.

Kommunestyret skal, utover årsmelding og årsrekneskap, informerast om arbeidet i VNS vår og haust.

Det skal leggjast fram politisk sak første halvdel av 2023 om framtidig organisering, mål og strategiar for næringsarbeidet i Vaksdal kommune fram mot 2030.

Saksopplysningar:

Vedlagt denne saka ligg Retningslinjer Vaksdal næringssselskap (heretter forkorta VNS) for tildeling av tilskot til næringsutvikling, årsmeldingar for dei siste åra, eit historisk oversyn om bakgrunn og oppretting av VNS og eit notat frå styret i Vaksdal Næringssselskap AS, der dei svarer ut spørsmål frå Formannskapet som er kome fram i prosessen rundt denne saka.

VNS blei oppretta for å møte dei utfordringane kommunen hadde midt på 90-talet. Kommunen har framleis utfordringar knytt til næringsutvikling. For ein kommune er positiv næringsutvikling viktig for å sikre arbeidsplassar, lokalt næringsliv og auke i skatteinntekter. Negative spiralar har diverre oftast ein sjølvforsterkande effekt. Det er difor vesentleg at vi lukkast med positive forsterkande tiltak slik at kommunen framstår attraktiv både med omsyn til næringsutvikling og tilflytting. VNS var og er tiltenkt ei «hovudrolle» i dette arbeidet.

Rådmannen ser at i eit framtidsperspektiv treng kommunen ein oppdatert næringsstrategi. Mange må samhandle for å få ein slik på plass og VNS vil vere eit viktig hjul i den prosessen. VNS vel nytt styre før sumaren 2020. Rådmannen oppmodar styret om å ta til med utvikling av næringsstrategiar så fort som råd er. VNS skal ikkje gjere dette arbeidet i eit vakuum, men i tett samhandling med kommunen.

Etter ei totalvurdering tilrår difor rådmannen at dagleg leiar frå august skal ha kontor på Heradshuset. Dette ikkje for å «kommunalisera» VNS, men for å få til ein dagleg dialog mellom aktørane i næringsarbeidet. Siste månadane har synt oss at vi er sårbare også i Noreg når spesielle situasjonar oppstår. Vi treng ein offensiv næringspolitikk for å møte framtida både nasjonalt og lokalt. Rådmannen meiner vi møter framtida best om vi samhandlar.

Det finns argument for at VNS ikkje bør ha kontor på heradshuset. Tettare binding til dei administrativt tilsette i kommunen. Meir «rådmannstying» og ikkje minst at kanskje ein del besøkande til VNS vil oppleve det litt meir «uoverkommeleg» å ta kontakt via dørene på Heradshuset. Det er eit stort ansvar både for dagleg leiar i VNS og rådmannen å gjere denne barrieren så liten som mogleg.

I alt næringsarbeid er det vesentleg å vere synleg og tilgjengeleg. Gode nettsider. Informative, forståelege og tydlege. Oppslag i pressa. Gjerne og ei Facebook side. Rådmannen vil oppmode om at VNS helt trykk på å vere synlege også i tida frametter. For å utvikle næringsarbeidet i Vaksdal kommune treng ein å samarbeide med aktørar i kommunane rundt oss. Rådmannen har grunn til å tru at val av regiontilknyting kan ha positive effektar for næringssselskapet sitt arbeid.

VNS har økonomiske utfordringar og desse må kommunen som hovudaksjonær møte offensivt. Rådmannen har difor sett i gang eit arbeid med å sjå på løyvingane til VNS med tanke på eventuelle budsjettjusteringar. Vidare må ein i prosessen fram mot budsjett for 2021 gå gjennom rammene til VNS. Signala er nok at rammene til Vaksdal kommune blir strammare i åra frametter. Rådmannen ser difor at ein både må sjå på dei økonomiske løyvingane til VNS og korleis desse midlane vert nytta. I

tillegg må ein sjå om det kan vere måtar og finne finansiering utover dei offentlege midlane.

Korona situasjonen har ført oss inn i nytt og, for det meste, ukjent terreng. Ingen av oss spådde når vi gjekk inn i 2020 at vi denne våren skulle nærast stenge landet i fleire veker. No opnar vi gradvis opp igjen. Kriser får oss, tvingar oss, oftast til å tenkje nytt og annleis. Rådmanne legg difor fram forslag til vedtak om at dagleg leiar i VNS skal informera kommunestyret om arbeidet to goner i året frametter. Rådmannen føreslår ikkje å gjere drastiske endringar i næringsarbeidet. Likevel ser rådmannen at rammene kan endre seg mykje dei neste par åra. Difor føreslår rådmannen at ein allereie våren 2023 skal evaluera VNS sitt arbeid.

Rådmannen håpar at styret og dagleg leiar i VNS vil sjå på denne saka som eit innspel til vitalisering av næringsarbeidet i kommunen. Vidare at partane saman kan møte framtida så offensiv som mogleg. Mykje godt arbeid er gjort og rådmannen har stor tru på at styret og dagleg leiar i tett dialog med den kommunale leiinga vil finne gode, målretta og byggande svar også frametter.